

ՀԱՅՈՑ ՅԵՂԱՍՊԱՆՈՒԹՅԱՆ ՊԱՏՄԱԳՐՈՒԹՅՈՒՆ. ՍՓՅՈՒՌՔԱՀԱՅ ԱՐԴԻ ՀՐԱՏԱՐԱԿՈՒՄՆԵՐ ՄՅԵՐ ԿԱՐԱՊԵՏՅԱՆ

Մփյուռքահայության կյանքում բացառիկ իրադարձություն էր Մեծ եղեռնի 50-ամյակը: Բազմապիսի սգահանդեսներին և այլ միջոցառումներին զուգահեռ, այդ առիթով հրապարակվեցին մաև հուշամատյաններ, պարբերականների բացառիկներ, պատմագիտական աշխատություններ, որոնցում Եղեռնի պատմության ուսումնասիրումը քարձրացվեց մի նոր աստիճանի:

Հիսունամյակի առթիվ հրատարակությունների առաջնեկն ու, թերևս, չգերազանցվածը Ռամկավար ազատական կուսակցության «Ջարթօնք» օրաթերթի լույս ընծայած «Հուշամատենան Մեծ եղեռնի» մեծադիր ու շքեղ հատորն է, բաղկացած 1140 էջից:¹ Հատորը պատրաստել է «Ջարթօնքի» խմբագրապետ Գերսամ Ահարոնյանը:

Մփյուռքահայ հայտնի հասարակական գործիչ Անդրանիկ Անդրեասյանի ընդարձակ ներածականից հետո սկսվում է գրքի առաջին՝ «Պատմական» խորագիրը կրող գլուխը, որը բացվում է պրոֆեսոր Ա. Ն. Մնացականյանի «Հայ ժողովրդի Մեծ եղեռնը և ազգային վերածնունդը» ծավալուն հոդվածով:² Գլխի երկրորդ հոդվածը, որի հեղինակն է Ստեփան Շահրազը, կրում է «Ապրիլ 24 – Հիսունամյակին առթիվ ճշմարտությունների վավերաթուղթերու և ժամանակին բերած լույսներուն տակ» վերնագիրը:³ Այստեղ ցեղասպանության ծրագրի իրագործումը ներկայացվում է իբրև քաղաքական մպատակ, բերվում են պատմական անհերքելի վկայություններ այդ մասին, մերկացվում են Եղեռնի պատմության նենգափոխման թուրքական ջանքերը: Մփյուռքահայ պատմաբան Լևոն Չորմիսյանի հոդվածը մվիրված է ապրիլյան եղեռնի պատճառներին ու պատասխանատուներին: Նա գտնում է, որ եթե այդ ծրագրի պատրաստումն ամբողջապես իթթիհատական պարագլուխների մտահղացումն էր, ապա դրա իրականացմանը մասնակցել է թուրք գրեթե ամբողջ ժողովուրդը:

Գրեկերի (Գրիգոր Կերկերյան) հոդվածը մվիրված է «Մեծ ոճիրը» գրքի (Բոստոն, 1921) հեղինակ Արամ Անտոնյանի հրատարակած՝ թուրքական պաշտոնական վավերագրերին: Մանրակրկիտ հետազոտությունների, փաստաթղթերի բաղդատման, քարզմանությունների ու քննադրերի համադրման հիման վրա հեղինակը հանգում է անվարան եզրա-

կացության, որ Արամ Անտոնյանի հրատարակած թուրքական պաշտոնական վավերագրերն անտարակուսելիորեն վավերական են: Հուշամատյանի հաջորդ՝ «Ջարդերը շրջան առ շրջան» գլխում գետեղված են հողվածներ Բութանիայի, Յոզդաքի, Կեսարիայի, Մերաստիայի, Խարբերդի, Դիարբեքի, Տարոնի, Կարինի, Տրապիզոնի, Կիլիկիայի և այլ շրջաններում տեղի ունեցած ջարդերի, հայ հոգևորականության և մտավորականների մահատաղության մասին: «Գոյամարտ» բաժինը պատմում է Վանի, Շապին-Գարափաքի, Մուսա լեռան, Ուրֆայի հերոսամարտերի մասին: Հատորում գետեղված են շուրջ 400 նկարներ ու քարտեզներ:

Միյուռքահայ եղեռնապատումների մեջ իր նշանակությամբ առանձնանում է *Հայկազն Ղազարյանի ստվարածավալ մեմագրությունը*⁴, որը լույս է տեսել Սիմոն Վրացյանի առաջաքանով:

Նշանակում ստանալով անգլիական ծովային հրամանատարության կենտրոնում, որը տեղավորված էր Պոլսի թուրքական ծովային նախարարության շենքում, Հ. Ղազարյանին աներևակայելի առիթ է ներկայանում այդտեղ ծանոթանալ մի շարք փաստաթղթերի, որոնք վերաբերում են հայերի հալածանքներին, հայ սպաների ու զինվորների տարագրությանն ու սպանությանը, նրանց ընտանիքների ոչնչացմանը, հայ պաշտոնյաների արտաքսմանը, հայերի տների բռնագրավմանը: Թուրքական արխիվներում նա հայտնաբերում է նաև չափազանց կարևոր շրջաբերականներ:

Մեմագրության մեջ հրապարակված են կարևորագույն գաղտնի փաստաթղթեր, ջարդարարական ժողովների արձանագրություններ, չորս մեծ պետությունների խորհրդի գաղտնի նիստերի արձանագրություններ և այլ վավերագրական նյութեր: Զննարկվում են իթքիհատի և թուրքական մյուս կուսակցությունների փոխհարաբերությունների, Մալթա աքսորված ոճրագործներից հետագա ճակատագրի, վեց հայ պետական երեսփոխանների սպանության հարցերը: Հեղինակի պնդմամբ, ցեղասպանությանը մասնակցել են թուրք ազգաբնակչության 66-75 տոկոսը:

Համաձայն հեղինակի ամփոփագրի, 1915-ի զարմանը մինչև 1918-ի հոկտեմբերի 30-ի զինադադարը, ցեղասպանությունը գործադրվել է 66 քաղաքների ու 2500 գյուղերի հայ բնակչության նկատմամբ, կոդուպվել ու քանդվել են 2000 եկեղեցիներ, հազարավոր տներ ու ագարակներ: Մպանվել են 300000 տղամարդ, 400000 կին, 400000 մանուկներ, 250000 հարս ու աղջիկներ, 100000 զինվոր, ընդամենը՝ մեկ միլիոն չորս հարյուր հիսուն հազար մարդ: Նյութական կորուստների ընդհանուր գումարը հինգ միլիարդ դոլլարի է հասնում:

Մեղադրելով Մեծ տերություններին հայ ժողովրդի անլուր ողբերգության նկատմամբ ցուցաբերած քար անտարբերության համար, պատմաբանը գիրքն ավարտում է հետևյալ խոսքերով. «Եվ մեկ ու կես միլիոն հայերու դիակին հաշիվը բաց կմնա տակավին որպես հավիտենական ամոք մը «քրիստոնյա», «հաղթական» պետությանը ճակատին»:⁵

Ցեղասպանության՝ սիյուռքահայ պատմագրության նշանակալի գործերից է «Ազդակ» օրաթերթի հրատարակությամբ լույս ընծայված «Հերոսապատում Մեծ եղեռնի» ժողովածուն, որը վկայություն է երիտթուրքերի ծրագրած պետական ոճրի դեմ ծառանալու դյուցազնամարտի:⁶

Ժողովածուն սկսվում է Նազարեթ Պերպերյանի «Փշոտ դափնեպսակ» ուսումնասիրությամբ, որտեղ փորձ է արվում անկողմնակալ պա-

տասխան տալ այն հարցին, թե ինչու 1915-ի հայկական հերոսամարտը չունեցավ ընդհանուր, համակարգված, կազմակերպված բնույթ: Հեղինակն իբրև քննարկվելիք հիմնահարցի գլխավոր եզրեր՝ առանձնացնում է իթքի-հատականների հետ համագործակցության, սահմանադրության շրջանում հայ կյանքի ներսում ստեղծված նոր պայմանների և հայ կամավորական զնդերի կազմակերպման հարցերը:

Հեղինակի կարծիքով եղեռնի գլխավոր պատճառներից մեկն անկախ Հայաստանի իրականացման ճանապարհին հայության ցուցաբերած ծայրահեղ զգույշ և պահպանողական կեցվածքն էր: Հռվածազրի պնդմամբ՝ հայ պահպանողականությունը՝ կղեր և ազգային իշխանություն, համիլյան կոտորածների ողջ պատասխանատվությունը բարդեցին Դաշնակցության վրա, և վերջինս այդ ճնշման տակ հարկադրված էր նվազագույնի հասցնել իր քաղաքական պահանջները:

Շարունակելով պատճառների թվարկումը, մա 1915-ի հերոսամարտերի կազմակերպված չլինելն ու ընդհանուր դիմադրության բնույթ չունենալը բացատրում է մաև նրանով, որ թուրքն իր մահացու հարվածը տվեց պատմականորեն անկանխատեսելի պահին:

Հեղինակն ավելացնում է մաև, որ թեև 1914-ի հուլիս-օգոստոսին Կարինում տեղի ունեցած Դաշնակցության 8-րդ ընդհանուր ժողովը քննեց պատերազմի ընթացքում ինքնապաշտպանության հարցը, այդուհանդերձ, չկարողացավ քաղաքական հստակ որոշումներ կայացնել պատերազմի ընթացքում հայության որդեգրելիք կեցվածքի վերաբերյալ:

Նազարեթ Պերպերյանը չի վարանում մաև խոստովանել մեկ ուրիշ սխալ հաշվարկի մասին: Նա նշում է, որ 1914-ի վերջերին, երբ արդեն ակնբախ էր, որ թուրքը պիտի օգտվեր պատերազմական իրադրությունից՝ հայկական պահանջներին վերջ դնելու համար, տիրապետող մնաց այն մտայնությունը, որ Իթքիհատը պիտի հարվածն ուղղեր միայն Դաշնակցության ղեկավարների, եկեղեցական և ազգային անվանի գործիչների դեմ:

«Մեծ եղեռնի հերոսապատումն ընդհանրական չեղավ, - ընդհանրացնում է Ն. Պերպերյանը, - որովհետև հայ ժողովուրդը կհավատար թուրքին հետ խաղաղ գոյակցության՝ իբրև ազգային անջատ, բայց դրացի միավորներ: Մակայն հայասպանության փաստն արդեն իսկ ահավոր զին էր մեր ժողովրդին համար, որպեսզի վերջնական և անխախտ համոզում դարձնե այն, որ թուրքը, օսմանցի, իթքիհատական թե քեմալական, միշտ ունի հայաջնջումի իր ծրագիրը և կսպասե հարմար պատեհության»:⁷

Գրքի հաջորդ մյուրը Մարգիս Մահսերեճյանի «Վանի ապրիլյան ինքնապաշտպանությունը կամ ազատ Հայաստանի նախաքայլը» ուսումնասիրությունն է:

Վանի նահանգի մասին համառոտ պատմական տեղեկանք տալուց հետո հեղինակը մանրամասնորեն պարզաբանում է նախապատերազմյան իրավիճակը, Ա. Վռամյանի, Իշխանի գոհվելու և Արամ Մանուկյանի՝ ինքնապաշտպանության զուլի անցնելու հանգամանքները: Նկարագրվում են ապրիլի 7-ի մարտական գործողությունները: Կռիվները շարունակվեցին մինչև ապրիլի 16-ը, և, Զինվորական մարմնի հաղորդագրության համաձայն, առաջին տասն օրվա արդյունքները գոհացուցիչ էին: Հեղինակի վկայությամբ հայերի համար ամենավճռական պահը եղավ ապրիլի 21-ը: Առավոտ վաղ թուրքերի հրանոթները սկսեցին զնդակոծել Վանը,

որից հետո կանոնավոր բանակը և խուժանը անցան հարձակման: Հեղինակը նշում է, որ ապրիլի 28-ը եղավ թուրքական ընդհանուր հարձակման վճռական օրը, որը նույնպես հետ մղվեց: Այնուհետև հեղինակն անցնում է Վան-քաղաքամեջի իրադարձությունների նկարագրությանը: Հեղինակը նշում է, որ Վանի կռիվների վերջին օրը դարձավ մայիսի 3-ը, հաջորդ օրը հայտնի դարձավ թուրքերի փախուստի մասին, իսկ մայիսի 5-ին Վան մտան դաշնակցական խեչոյի, երեկոյան՝ Դրոյի կամավորական զորքերը, իսկ 6-ին՝ զենքերալ Նիկոլակը: Մայիսի 7-ին Արամը նշանակվեց Վանի շրջանի նահանգապետ: Նրա ջանքերով կազմակերպված Վանի նահանգի գոյության փաստը, չնայած նրա ընդամենը 70-օրյա գոյությանը, հեղինակը գնահատում է իբրև անկախ Հայաստանի իսկական նախադեպ, նախաքայլ՝ դեպի անկախություն:

Աշխատության հաջորդ մյուսը Շահանդուխտի «Շապին-Գարահիսարի ինքնապաշտպանությունը (1915, հունիսի 2-28)» վերնագրով ուսումնասիրությունն է: Շապին-Գարահիսարի ողջ հայ բնակչությունը՝ 5062 հոգի, տեղափոխվեցին քերդ, որը կառուցված էր դեռ հռոմեական ժամանակներից: Դիմադրության ղեկավարությունը ստանձնեց Դուկաս Աղբարը (Դովլաթյան), կազմվեց Զինվորական խորհուրդ: Ժողովուրդը մի քանի ժամկա ընթացքում լավ ամրացված ամրոցի վերածեց քերդը: Կառուցվեցին յոթ դիրքեր:

Այնուհետև հեղինակն ամենայն մանրամասնությամբ նկարագրում է հունիսի 20-ի արյունալի կռիվն ողջ ընթացքը, որն ավարտվեց հայերի փայլուն հաղթանակով: Մակայն ինչ որ չկարողացավ անել թշնամին, արեց սովը: Հաղթանակից մի քանի օր հետո Դուկաս Աղբարը հրավիրեց բոլոր մարտիկների ժողով և նշեց դրությունից դեռևս դուրս գալու միակ ելքը՝ գիշերային ուժգին հարձակումով ճեղքել պաշարման օղակը և կռիվը շարունակել շրջակա լեռներում: Հայերը նահանջը սկսեցին քերդի դռան առջևից: Սկսվեց գիդկընդիսառն կռիվ, և նահանջին մասնակցող 1000 հոգուց 100-ը նահատակվեցին: «Մնացյալները երեք ճակատի վրա հարվածելով թշնամին, մոխրացած դաշտի փլատակներում մեջեն կանցնին դաշտ, ուր կցրվին և մոտ երկու տարի հոս ու հոն կռվել ենք քոլորն ալ կսպանվին», - վկայում է հեղինակը:

«Տարոնի Միջնաբերդին վերջին ծառացումը» ուսումնասիրության հեղինակը նույն՝ Նազարեթ Պերպերյանն է:

Հեղինակը չի թաքցնում այն հանգամանը, որ պատերազմի նախօրյակին Տարոնի հայությունը չուներ նախասահմանադրական շրջանի ֆիդայական դիմագիծը, և մինչև իսկ փորձառու ֆիդայիներն էլ մի կողմ էին դրել իրենց զենքերը:⁹

Խոսելով ինքնապաշտպանության ծրագրի մասին, հեղինակը վկայակոչում է դեռևս 1914-ի դեկտեմբերի սկզբին Դաշնակցության կոմիտեի հրավերով Մուշում կայացած խորհրդակցությունը, որտեղ որոշվեց ամբողջ Տարոնը քաժանել ինքնապաշտպանության ութ շրջանների: Նույն օրերին խորհրդակցություն տեղի ունեցավ նաև առաջնորդարանում, որը, սակայն, որևէ որոշում չկայացրեց:

Ն. Պերպերյանը հանգամանորեն նկարագրում է Մուշ քաղաքի հնգօրյա հուսահատ և հերոսական պաշտպանությունը: Հերոսամարտի ընդհանուր ղեկավար նշանակվեց հին հայդուկ Հաջի Հակոբ Կոտոյանը:

Հուլիսի 11-ին սկսվեց հայկական թաղերի հրետակոծությունը:

Սկզբում նպատակակետը՝ Վերին թաղն էր։ Թուրքերը հրդեհեցին թաղը, սակայն դիմադրությունը շարունակվում էր նաև հաջորդ օրը։ Որոշվեց թողնել Վերին թաղը և վերջին ճակատամարտը մղել Չորի թաղի մեջ։ Չորի թաղի առաջին օրվա կռիվը տևեց 15 ժամ։ Հուլիսի 12-ի գիշերային խորհրդակցությանը որոշվեց խումբ-խումբ դուրս գալ քաղաքից և քարձրանալ մոտակա լեռները։ Հեռանցան մոտ 700 հոգի, իսկ Հ. Առտոյանը մնաց՝ շարունակելու դիմադրությունը և զոհվեց դիրքում։

Մշո դաշտի որոշ գյուղերի՝ Կառնենի, Ս. Կարապետի վանքի շրջանի, Ավրանի, Ալիջանի, Վարդենիսի շրջանի դիմադրական կռիվներն ավելի տևական եղան։

Երեք ամիս տևեցին Նեմրութի կռիվները։ Այստեղ ինքնապաշտպանության կազմակերպմանը ձեռնամուխ եղան Փալապեխ Կարապետն ու Շամիրամի Սողոմ, որոնք հավաքեցին 300 երիտասարդների, սակայն նենգաբար ընկան թշնամու ձեռքը։

Ուսումնասիրության վերջին քաժիհը նվիրված է Մասունի հերոսամարտին։ Հենց սկզբում հեղինակը կարևորում է այն պարագան, որ Մասունը, իբրև հայոց ազատամարտի միջնաբերդ, ընթոստացումի ուղին էր բռնել դեռևս 1914-ի վրջերին, որովհետև հին ու դաժան օրերի իր փորձառությամբ չէր կարող հավատ ընծայել թուրքի կեղծ հայտարարություններին ու ապավինում էր միայն իր սեփական զենքին։

Նշվում է, որ Մասունի ինքնապաշտպանության նախապատրաստությունը գլխավորում էին 1915-ի փետրվարին այստեղ եկած Ռուբենն ու Կորյունը։

Այսպիսով, ինչպես գրում է հեղինակը, 1915-ի ապրիլից սկսած Մասունը պաշարված էր չորս կողմից, սասունցիք պատերազմական դրության մեջ էին։ Տևական կռիվ էր մղվում 150 կմ երկարությամբ ճակատի վրա։¹⁰ Հունիսի կեսերին պաշարման օդակն ավելի սեղմվեց, և կռիվները փոխադրվեցին Անտոք։

Ըստ Ն. Պերպերյանի նկարագրության, Տավորիկից մինչև Կուրտիկ և Ծովասարի ստորոտից մինչև Անտոքի հարավային մասը՝ 30 կմ խորք և 40 կմ լայնք ունեցող մի շրջան էր մնացել սասունցիների ձեռքը։ Ընդամենը 1200 քառ.կմ այս տարածքի վրա հավաքված էին ոչ միայն Մասունի ժողովուրդն ու մարտիկները, այլև շրջակա տարածքների գաղթականները։

Հեղինակի վկայությամբ պաշարված Մասունում առկա էր կորովի և կռիվի ընդունակ 15000 մարդ։

Հուլիսի 23-ին թուրքերը սկսեցին նոր ընդհանուր հարձակում, որը տևեց մինչև օգոստոսի 2-ը։ Դիրքերը ձեռքից-ձեռք էին անցնում։ Թուրքերն օրական առաջ էին գալիս հագիվ մեկ կիլոմետր, իսկ սասունցիները քաշվում էին դեպի Անտոք։ Սակայն հրանոթային կրակն ավելի ու ավելի էր ուժեղանում։

Տասնօրյա հերոսական ճակատամարտից և Շենիկի անկումից հետո կայացավ վերջին խորհրդակցությունը, որտեղ մարտական խմբերի ղեկավարները որոշեցին տարբեր ուղղություններով հարձակվել թշնամու վրա և ամբողջ ժողովրդի հետ ճեղքել պաշարման շղթան։

Ի տարբերություն մի շարք հեղինակների, որոնք Մասունի հերոսամարտի պատմությունն ավարտում են լեռնական ժողովրդի համընդհանուր կոտորածով՝ որպես արդյունք, իբր, Դաշնակցության անհեռատես գործե-

լակերպի, Ն. Պերպեյրյանը տալիս է բոլորովին այլ մեկնաբանություն: «Թեև Մասնո հերոսամարտը օգոստոսի 3-ին այսօրինակ վախճան մը կունենար, - գրում է նա, - քայց որդեգրված ռազմավարությունը փաստորեն կհաջողեր, և սեպտեմբերի կեսերուն Մասունի ժողովրդին 90 տոկոս համեմատությունը ողջ էր տակավին ու ապաստանած էր անառիկ լեռներուն գիրկը (ընդգծումն իմն է - Մ. Կ.): Թշնամին իզուր կկործներ ձեռք անցնել Մասունի հայությունը. անոր փորձերը միշտ ապարդյուն կանցնեին, որովհետև դիմադրությունը միշտ կշարունակվեր՝ այս անգամ հրոսակային կռիվներու ձևով և տևական տեղափոխությամբ:

Այս կացության մեջ, ռուսական զորքեու հառաջխաղացքով, թրքական զորքերը արդեն իսկ կբռնեին նահանգի ճամբան: Այսուհանդերձ, Մասնո լեռները մինչև 1916-ի գարունը շարունակեցին պահպանել իրենց արի զավակները, մինչև որ հայ կամավորական զունդերը վերանվաճեցին Տարոնը՝ 1916-ի առաջին ամիսներուն»:¹¹

«Մուսա լեռ՝ Միջնաբերդ և Փրկության տապան», այս վերնագիրն է կրում Նուպար Չալխուտյանի ուսումնասիրությունը:

Արժեքավոր է պատմա-աշխարհագրական և վիճակագրական մանրամասն տեղեկանքը Մուստիայի (Մելիկիա անվան աղավաղումն է) հայկական վեց գյուղերի՝ Բիթիաս, Հաջի-Հաբիրի, Յոդուն Օլուք, Խղրքեկ, Վազըֆ, Զեքուսիե, ինչպես նաև Մուսա լեռան (Մովսեսի լեռ) մասին: Նշվում է, որ հայկական վեց գյուղերի քնակչության ընդհանուր թիվն էր 6811, որից 2580-ը նախընտրեց բռնել տարագրության ճամփան, իսկ մնացած 4231 հոգին (1711 կին, 1237 տղամարդ, 1288 անչափահասներ) քարձրացան լեռը:

Հեղինակը նշում է, որ վերապատվելի Տիգրան Անդրեասյանի և Մովսես Տեր-Գալուստյանի համոզիչ պատճառաբանություններից հետո մերժվեց գյուղերից մեկում ամրանալու գաղափարը և որոշվեց հաստատվել Մուսա լեռան՝ մոտ 1700 մետր բարձրությամբ 80 քառ.կմ մակերեսով գագաթին:

Հուլիսի 31-ին սկսվեց լեռ բարձրանալու գործողությունը, որը տևեց երեք օր: Օգոստոսի 1-ին ժողովրդի մեծ մասը հասավ Թաթար Ալան կոչված վայրը, որը գագաթից քավական ցածր էր: Օգոստոսի 7-ին թուրքական զորքերը ձեռնարկեցին առաջին հարձակումը, որը տևեց 6 ժամ: Երկու օր հետո՝ օգոստոսի 10-ին, տեղի ունեցավ երկրորդ ճակատամարտը՝ Պազանըզ կոչված դիրքի ուղղությամբ: Այս ճակատամարտը տևեց 12 ժամ, ու թշնամին տվեց 100, իսկ հայերը՝ 3 սպանված: Հեղինակը մանրամասնորեն նկարագրում է նաև երրորդ ճակատամարտը, որին թուրքական կողմից մասնակցում էին 4000 զինվոր, 10 թնդանոթով, և անհաշիվ խուժան: Այս անգամ հարձակումը կատարվում էր վեց ուղղությամբ: Մինչև գիշեր թուրքերը հայտնվեցին հայերի վերջին դիրքերից 200 մետր հեռավորության վրա: Հայերը կոխում էին մեկը տասի դեմ: Թշնամին արդեն կրակ էր տեղում քնակավայրերի ու զորանոցների վրա: Եթե թշնամին կարողանար առաջանալ ևս մի քանի հարյուր մետր, հայերին պիտի մնար կամ հանձնվել, կամ անձնասպան լինել: Եվ այդ պահին տեղի ունեցավ անհավատալի. կազմվեց 50 հոգիանոց մի խումբ, որը թիկունքից հարձակվեց թշնամու վրա՝ առաջացնելով խուճապային նահանջ: Մահվան բլրի պաշտպաններն իրենց հերթին խոյացան փախչող թշնամու վրա: Հաղթանակը կատարյալ էր: Լուսաբացին ամբողջ Մուսա լեռը գտնվում էր հայերի ձեռ-

քում:

Այդ պարտությունից հետո թուրքերը որոշեցին փոխել ռազմավարությունը՝ պաշարել լեռը և սովի մատնել ժողովրդին:

Սեպտեմբերի 5-ին ծովի հեռվում երևաց ֆրանսիական «Գիշոն» ռազմանավը, որը խարիսխ զցեց ծովեզերքից մի քանի կիլոմետր հեռավորությամբ վրա: Ափ ուղարկած մակույկով մավ բարձրացած խաչեր թուամայանը մավապետ Պրիստինին պատմեց եղելությունը: Վերջինս խոստացավ ամեն ինչ հաղորդել Կիպրոսում գտնվող ծովակալ Դարթիժ դը Ֆուրնեին, որն իր հերթին ցուցում պետք է ստանար Փարիզից: «Գիշոնը» ոմբակոծեց թուրքերի դիրքերը և հեռացավ: Սեպտեմբերի 7-ին թուրքերը վերսկսեցին համձակումը: Ճակատամարտը տևեց 10 ժամ, և ի վերջո թուրքերը նահանջեցին: Սեպտեմբերի 10-ին «Գիշոնը» վերադարձավ «Տեսեքս» մարտանավի հետ: Այդ օրն էլ սկսվեց Մուսա լեռան վերջին և հերոսական ճակատամարտը: Նշելով, որ այդ օրը յուրաքանչյուր նուսականցի գերազանցեց ինքն իրեն, հեղինակը հատկապես ընդգծում է Եսայի Յաղոբյանի անունը, որի վճռականությունը և զիվորական բարձր հատկությունները մեծապես նպաստեցին այդ օրվա հաղթանակին:¹² Թշնամին ի վերջո նահանջեց՝ տալով հարյուրավոր սպանված, իսկ հայերը կորցրեցին երկու մարտիկ: Ճակատամարտից հետո հայտնի դարձավ, որ ծովակալ Դարթիժ դը Ֆուրնեն հրահանգ է տվել լեռան հայերին փոխադրել ապահով վայր: Ժողովրդին հրամգ տրվեց իջնել ծովեզերք, որը տևեց երկու օր: Սեպտեմբերի 12-ին «Գիշոնին» և «Տեսեքսին» միացան երեք ուրիշ մարտանավեր և բազմատասնյակ մակույկներով սկսվեց փոխադրության գործողությունը: Իրիկնադեմին մարտանավերը բարձրացրին խարիսխները և ուղղություն վերցրին դեպի Պորտ-Մայիդ:

Ժողովածուի վերջին մյուսը Էվա Դերվիշյանի «Ուրֆայի ինքնապաշտպանությունը կամ դյուցազմաշումչ հայության վկան» ուսումնասիրությունն է:

Ուրֆայի հերոսամարտը մյուսներից տարբերվում էր նրանով, որ այն մղվում էր բուն քաղաքի ներսում, քնական ամրություններից զուրկ պայմաններում, երբ չկար փրկության որևէ հույս:

Հեղինակն ամենայն մանրամասնությամբ նկարագրում է մարտական գործողությունների ողջ ընթացքը, թուրքական հարձակման փուլերը: Հայկական թաղերի վրա թուրքերի առաջին հարձակումը տեղի ունեցավ սեպտեմբերի 30-ին՝ երեք ուղղություններով: Մ. Յոթնեղբարյանի հրահանգով թույլ տրվեց, որ նրանք մտնեն թաղերից ներս և ապա ռումբերի հարվածներով ոչնչացրին նրանց: Այդ օրը թուրքերը թողեցին 450 դիակ, հայերը տվեցին 8 զոհ:

Մ. Յոթնեղբարյանն ու Հ. Ռասթկելենյանը ստեղծեցին հիմզ հոգիանոց զինվորական խորհուրդ, որի մեջ մտան Հարություն Միմյանը, Խորեն Զյուֆեյսյանը, Լևոն Եղբերլեռյանը, Հովհաննես Իմիրզյանը և Արմենակ Աթրաբյանը: Ընտրվեց մատակարար մարմին, սարքավորվեց հիվանդանոց, քացվեց զինագործարան: Հայկական թաղամասը բաժանվեց վեց շրջանների, որոնք բոլորը միասին ունեին 32 դիրք: Նշանակվեցին շրջանային խմբապետեր և տասնապետեր:

Թուրքերի երկրորդ ուժգին հարձակումն սկսվեց հոկտեմբերի 1-ի արշալույսին, սակայն Մ. Յոթնեղբարյանի ցուցումով ոչ մի պատասխան զնդակ չարձակվեց: Թուրքերը ներխուժեցին հայ կաթողիկե եկեղեցու բա-

կը կենտրոնացան հայկական Թեմրին բաղի քիկունքում և Շաքոյան դիրքի մոտ ու այդպիսով ընկան Յոթնեղբայրյանի սարքած ծուղակը. ժուժքերի տարափը կատարյալ կոտորած առաջացրեց թուրքերի մեջ:

Շուտով լուր ստացվեց, որ Ուրֆայի վրա են շարժվում Ֆախրի փաշան՝ 6000 զորքով ու թնդանոթներով, և Մուլեյման քեկը՝ 600 զինվորով, ինչպես նաև շրջակա աշիրեթները: Հոկտեմբերի 3-ին սկսվեց հայկական Հայր Աբրահամի թաղամասի գրոհը, որի պաշտպանությունը գլխավորում էր Հ. Ռասթկելեմյանը, որը նույնպես ծուղակը գցեց հարձակվողներին և մերահարվածներով ոչնչացրեց նրանց: Թուրքերը տվեցին 100-ի չափ սպանված: Օրվա հերոսներից էին Գևորգ Ալահայտոյանը, Մարիամ Չիլինկիրյանը, հինգ-վեց հայ պատանիներ: Մկրտիչի եղբայրը՝ Զոռ Մաքոն, քրդական տարագով ծախված, իր վեց ընկերների հետ միասին կարողացավ շարքից հանել քաղաքին մոտեցող թուրքական զորքի թնդանոթները: Հոկտեմբերի 7-ին Ֆախրի փաշան անձամբ քանակցություններ սկսեց Մ. Յոթնեղբայրյանի, հետ, բայց ապարդյուն: Հոկտեմբերի 8-ին Ֆախրի փաշայի զորքերն անցան ուժեղ հարձակման: Սակայն այս անգամ էլ հայերը քակարդի մեջ գցեցին նրանց և հասան հաղթանակի: Հոկտեմբերի 9-ին թուրքերին հաջողվեց դիրքեր գրավել Թլֆաուր քրի վրա, որը հայկական թաղը պաշտպանում էր քիկունքից: Դրանով հայկական դիրքերը վտանգվեցին չորս կողմից:

Հոկտեմբերի 10-ին վերսկսվեց թուրքական հարձակումը, և պաշարման օդակն ավելի նեղացավ: Հոկտեմբերի 12-ին թնդանոթային կրակը վերսկսվեց անսովոր ուժգնությամբ: Թուրքերը մեծ կորուստներ էին տալիս, սակայն դիմադրողների շարքերն էլ գնալով նոսրանում էին: Հոկտեմբերի 13-ին չորսժամյա մերակոծությունից հետո թուրքերը գրոհեցին բոլոր ճակատներով: Թուրքերի ձեռքն ընկան նաև մինչ այդ չգրավված տները: Առանձնակի կատաղի էին մարտերը հատկապես Հայր Աբրահամի շրջանում: Ջախջախված թուրքական զորքի փոխարեն տեղ էր հասնում նորը: Նույն սաստկությամբ կռիվը շարունակվեց մինչև հոկտեմբերի 18-ը: Այդ օրն ամերիկյան հաստատությունների տարածքում ուրֆացիները մի վերջին մարտ տվեցին Ֆախրի փաշային՝ կոտորելով բազում թուրք զինվորների: Հոկտեմբերի 19-ին, թուրքերը տարբեր կողմերից խուժեցին հայկական թաղերը: Չոհվեց Ռասթկելեմյանը, որ մի քանի քաջերով ամրացել էր առաջնորդարանում: Ընկավ, ինչպես թմուրագլուխ էր նրան Դերվիշյանը, «խաչեն նոր վար առնված Զրիստոսի տեսք ունեցող» հերոսը:¹³ Հոկտեմբերի 20-ին դիմադրությունը շարունակվում էր միայն երկու թաղերում: Թուրքերի գրաված թաղերում բազմաթիվ կանայք ու աղջիկներ անձնասպան եղան: Թուրքերը դադարեցրին թնդանոթային կրակը և դիրքեր գրավեցին տների մեջ: Այդ վիճակը շարունակվեց երեք օր, մինչև որ մեկ ամ մեկ ընկան ուրֆացի կտրիճները:

Հեղինակն իր խոսքն ավարտում է հետևյալ կերպ. «Կիրակի, 23 հոկտեմբերի: Խոր ու մեռելային լռություն: Ամբողջ ամիս մը վճռականությամբ ու մոլեգնությամբ մարտնչած այդ հրաշք ժողովուրդին՝ ուրֆացի հայության ծառացումը հասած է իր վախճանին: Հերոսական պայքար էր ետք, իր վախճանին հասած է հայ ժողովուրդի արիության, անձնագոհության, հերոսական մահով ու պատմեշի վրա մեռնելու վճռականության պերճախոս օրինակը՝ Ուրֆայի անմախքնաբաց հերոսամարտը»:¹⁴

Հայոց Մեծ եղեռնի վերաբերյալ 1965-ին, դրանից հետո սփյուռքում

հրատարակված բազում գործերի մեջ հիշատակելի են նաև *Գ. Մհարոնյանի*¹⁵, *Ա. Տարոնեցու*¹⁶, *Գ. Մյուրմենյանի*¹⁷, *Լ. Չորմիսյանի*¹⁸, *Լ. Ազատյանի*¹⁹ և ուրիշների աշխատությունները:

Հայոց ցեղասպանության պատմության գիտական հետազոտության քննազավառում հիմնարար նշանակություն ունեն պրոֆեսոր *Վահագն Տատրյանի* աշխատությունները: Բազմաշխատ պատմաբանը Հայոց ցեղասպանության հիմնահարցերի վերաբերյալ տարբեր լեզուներով հրատարակել է շուրջ հիսուն ուսումնասիրություն, որոնցից հայերեն է միայն մեկը:²⁰ Աշխատությունը քաղկացած է երկու ուսումնասիրություններից, որոնցից առաջինը կրում է «*Հայկական ցեղասպանությունը յետ-պատերազմական օսմանն են խորհրդարանին մեջ (հայ երեսփոխաններու մեղադրական ելույթները)*» վերնագիրը: Սույն ուսումնասիրության եզակի արժեքն այն է, որ վավերագրական ձևով ներկայացված են Օսմանյան խորհրդարանի հայ պատգամավորների մերկացումները և թուրք պատգամավորների ու պետական պաշտոնյաների մասնակի խոստովանությունները: Իբրև ներածության ամփոփում հնչում է հեղինակի այն միտքը, թե Անկարայի նախկին կուսակալ Հասան Մազհարի գլխավորած համաձայնաբեր կառավարական պաշտոնյաների հանցագործությունների ստուգումների հիման վրա Պատերազմական ատյանը 1919-1920թթ. արձակեց մի շարք վճիռներ, և, որ ամենաեականն է, հաստատեց, որ Հայկական եղեռնը կանխամտածված, ծրագրված և հսկողությամբ իրագործված ոճիր էր, որն իրականացվեց կառավարությունն իր ձեռքը զգած Իթթիհատ կուսակցության Կենտրոնական կոմիտեի և նահանգներում գործող իր արքանյակների կողմից:

Ինչպես նշվում է աշխատության հակիրճ նախաբանում, իթթիհատական ոճրագործների դեմ քրեական դատ քանալու գործում կարևոր դեր խաղաց օսմանյան երեսփոխական ժողովը, որը, չնայած ճնշող մեծամասնությամբ կազմված էր իթթիհատականներից, հասարակական կարծիքի ճնշման տակ ստիպված էր կազմել Հինգերորդ մաճմախումբը, որի պարտականությունն էր հարցաքննության ենթարկել պատերազմի ժամանակ Սայիդ Հալիմի և Թալեաթի գլխավորած երկու իրար հաջորդող կառավարություններում իբրև նախարար ծառայած կառավարական պաշտոնյաներին և որոշել՝ պե՞տք է նրանք իբրև հանցագործներ դատվեն, թե՞ ոչ: Այդ առթիվ խորհրդարանային այս մարմինը պատրաստեց մեծ թվով հարցաքննական թղթածրարներ, կարողացավ ձեռք բերել մի շարք հույժ կարևոր վավերագրեր: Մակայն համաճառողովը չկարողացավ իր եզրակացություններն ամփոփել և երեսփոխական ժողովին ներկայացնել քվեարկության համար, քանի որ սուլթան Վահիդեդդինը լուծարեց այդ ժողովը և արձակեց երեսփոխաններին: Բայց և այնպես այդ մարմնի հավաքած տեղեկությունները և փաստաթղթերն ավելի ուշ մեծ օգուտ ունեցան դատավարության ընթացքում:²¹

Երեսփոխական ժողովը հետպատերազմյան իր առաջին նիստը գումարեց 1918թ. հոկտեմբերի 10-ին: Նախագահն էր նախկին արտգործնախարար, իթթիհատական և Թալեաթի մտերիմ խալիլը, իսկ փոխնախագահը՝ «քարեխառն» իթթիհատական Հյուսեին Ջահիդը:

Այնուհետև Վ. Տատրյանը ներկայացնում է 1918թ. նոյեմբերի 4-ից մինչև դեկտեմբերի 12-ը տեղի ունեցած հինգ նիստերի սղագրական նկարագիրը, որոնց հետևում է յուրաքանչյուր նիստի նշանակության վերաբեր-

յալ հեղինակի վերլուծությունները, ամփոփումներն ու գնահատականները:
 Վ. Տատրյանը ներկայացնում է հայկական եղեռնի հարցի արծարծմանը մասնակից վեց հայ երեսփոխաններին (Գոզանի (Միս) երեսփոխան Մատթեոս Նալբանդյան, Իզմիրի երեսփոխան Օննիկ Իսսան, Էրզրումի երեսփոխան Հովսեփ Մադաթյան, Հալեպի երեսփոխան Արթին Պոշկեզեմյան, Մարաշի երեսփոխան Հակոբ Խրլաքյան, Սվազի (Սեբաստիա) երեսփոխան Տիգրան Պարսամյան): Բացակայում էին Մուշի երկու հայ երեսփոխաններ, Գեղամ Տեր-Կարապետյանը, որը հիվանդ էր, Վահան Փափազյանը, որը հեռացել էր երկրից, Պոլսի երեսփոխան Պետրոս Հալաճյանը: Եղեռնի ժամանակ գազանաբար սպանվել էին հայ երեսփոխաններ Զոհրապը, Վարդգեսը և Վռամյանը (Օննիկ Դերձակյան): Մերք ընդ մերք հայերին գորավիզ էին կանգնում 10 հույն երեսփոխանները, հատկապես՝ Էմմանուելիտին, Էֆքալիտիսը, Հարալամպիսը, Հովանիտին:

Վիճաքանությունների ասպարեզ մետվեցին երեք հարակից հարցեր. ինչպիսի՞ն էր ոճրի բնույթը և տարողությունը, ովքե՞ր էին պատասխանատուները, ինչպե՞ս կարելի է դարձանել հասցված վնասները և կորուստները:

Ըստ Վ. Տատրյանի հանգամանալի նկարագրության, խորհրդարանական վիճաքանության առաջին փուլը քացվեց հույն երեսփոխան Էմմանուելիտիի հարցապնդմամբ, թե ներկայի թուրքական կառավարությունն ի՞նչ է մտածում խնդրի մասին և ի՞նչ քայլերի պիտի դիմի:

Այնուհետև հրապարակվեց Գոզանի (Միս) երեսփոխան Մատթեոս Նալբանդյանի դիտողագիրը (թագրիր), որն ստորագրել էին մասն հայ երեսփոխաններ Խրլաքյանը, Իսսանը, Պոշկեզեմյանը, Մադաթյանը և Պարսամյանը: Հայ երեսփոխանները հարց էին տալիս կառավարությանը, թե մա ի՞նչ դիրք ունի Տեղահանության (27.05.1915) և Լքյալ գույքերի (26.09.1915) օրենքների գործադրության առթիվ գործված ոճիրների կազմակերպիչների և գործադրողների, ինչպես և այդ ոճիրների զոհերի համդեպ:

Գնահատելով միստի նշանակությունը, Վ. Տատրյանն արձանագրում է, որ դա առաջին քաղաքական առճակատումն էր, որով հայ երեսփոխաններն իրենց թուրք պաշտոնակիցներին մարտահրավեր նետեցին Մեծ եղեռնի առնչությամբ գործված ոճրապարտ արարքների համար:

Եզրափակման մեջ Վ. Տատրյանն ընդգծում է, որ երեսփոխանական ժողովի միստերի ուսումնասիրությունն ունի արտակարգ նշանակություն, քանի որ առաջին և վերջին անգամ թուրք երեսփոխանները և մախարարները ստիպված էին պատասխան տալ ուղղակի և շեշտակի կերպով իրենց դեմ եղած մեղադրանքներին՝ հայերի տեղահանության և ջարդին առնչվող ոճիրների կապակցությամբ: Առաջին և վերջին անգամ եղան մանրամասն խոստովանություններ, գղջումի արտահայտություններ և լուծումներ գտնելու անհրաժեշտության հավաստիքներ: Հիշեցնելով, որ երեսփոխանական ժողովը վերջին հաշվով իրախատական մարմին էր, հեղինակը կարծիք է հայտնում, որ եթե չլիներ հաշտության ծանր պայմանների ուրվականը, հազիվ թե միստերը մույն թովանդակությամբ և ընթացքով տեղի ունենային:

Վ. Տատրյանի հատորում գետեղված երկրորդ երկասիրությունը կրում է «Պետութեան մը և պետական կուսակցութեան մը միաժող դերը հայկական ցեղասպանութեան մէջ» վերնագիրը:

Ներածության մեջ հեղինակը «ցեղասպանություն» հասկացությունը բնորոշում է իբրև զանգվածային ոճիր, որը մախադրում է գերակշիռ ուժերի եղեռնափորձ կիրարկումը ընդդեմ անհամեմատ անզոր զոհի, որը կարող է մի փոքրամասնություն, ազգություն կամ ուրիշ որևէ հավաքակալություն լինել: Նրա կարծիքով ցեղասպանությունն ամենից առաջ կուտակված և համադրված իշխանության մի արտահայտությունն է՝ պայմանավորված պարտադրիչ որոշ կառուցվածքների առկայությամբ և դրանց լծակային օգտագործմամբ:²² Ձարգացնելով իր միտքը, Վ. Տատրյանը նշում է, որ արդի պատմության մեջ, առհասարակ, պետությունն է, որ մարմնավորում է ամեն տեսակի պարտադրիչ իշխանություն, այնտեղ են կուտակված ուժի աղբյուրները, այնտեղից են բխում պարտադրանքի հնարամիջոցները: Եվ պատահական չէ, որ ցեղասպանության պատմությունն ուսումնասիրած պատմաբանների և այլ մասնագետների ճնշող մեծամասնությունն առանց այլևայլության ցեղասպանությունը դիտում է իբրև պետական ոճիր:

Կոնկրետացնելով խոսքը Հայոց ցեղասպանության առիթով, այդուհանդերձ, հեղինակն առաջարկում է մի վարկած, ըստ որի ոչ թե պետությունն ինքնին, այլ բռնատիրական միջոցներով այդ պետությունը նվաճած և նրա կառուցվածքին միաձուլված միահեծան քաղաքական կուսակցությունն է հայկական ցեղասպանության բուն հեղինակը: Հասկանալի է, որ խոսքը վերաբերում է, այսպես կոչված, Երիտասարդ թուրքերի հաստատած Իթթիհատ վե Թերագզը քաղաքական կուսակցությանը, որը 1908-ի հուլիսին նվազագույն արյունահեղությամբ տապալեց համիդյան բռնակալական վարչակարգը և վերահաստատեց 1876-ի սահմանադրությունը:

Երիտասարդ թուրքերի բուն էությունը քացահայտելու համար Վ. Տատրյանն անդրադառնում է նրանց կուսակցության ակունքներին, նշում, որ իթթիհատական հեղափոխությունը գուրկ էր մշակված զադափարախոսությունից, և նրա ղեկավարների հիմնական և միակ նպատակը համիդյան վարչակարգի տապալումն էր: 1908-ի հեղափոխությունից հետո Իթթիհատը մնաց իբրև մի անճարակ, դավադիր խմբակցություն: հեղափոխություն կատարողները չէին զբաղվել հեղափոխական շրջանում երևան եկած խնդիրների լուծման հարցերով: Իթթիհատական ղեկավարների մեջ պակասում էին կառավարական փորձառությամբ, ունակ վարչագետ անձինք: Նրանց մեջ ավելի շատ, ուղղակի, քախտախնդիրներ էին՝ պատրաստ հայրենասիրության պիտակի տակ դիմելու ամեն կարգի ծայրահեղության:

Առանձին գլխում Վ. Տատրյանը վերլուծում է Ադանայի 1909թ. ապրիլյան կոտորածի հանգամանքները և հանգում այն եզրակացության, որ դա մի փորձնական քայլ էր Մեծ եղեռնի կազմակերպման համար: Նա վկայակոչում է իթթիհատական երեսփոխան Հակոբ Պապիկյանի զեկուցագիրը, որով հաստատվում էր իթթիհատականների մասնակցությունը Ադանայի վայրագ մախճիրի կազմակերպմանն ու գործադրմանը: Այլ փաստեր ևս վկայակոչելով, հեղինակը Ադանայի եղեռնի գլխավոր հանցագործ է հռչակում իթթիհատական պարագլուխ դոկտոր Նազրմին: Այն միտքն է հայտնվում նաև, որ Ադանայի եղեռնագործների անպատիժ մնալը խթանեց իթթիհատականների ցեղասպանական հակումները, որոնք հետագայում նոր ծավալներ ընդունեցին:²³

Հաջորդ գլխում քննարկվում են Բալկանյան պատերազմի արդյունքները և կարծիք է հայտնվում, որ դրանք մեծ դեր խաղացին Հայոց ցե-

ղասպանության գաղափարի սաղմնավորման գործում:

Վ. Տատրյանը արտահայտում է վիճահարույց այն տեսակետը, թե ռուսական ազդակը, հակառակ իր հայամասնատ առաջադրության, հայերի համար դարձավ աղետալի՝ 1914թ. օգոստոսի 2-ին ստորագրված գերմանա-թուրքական դաշինքի պարագայում:

Երկասիրության վերջին՝ «Իթքիհատի կուսակցական կազմակերպութեան ցեղասպանական կարողականությունը» րաժնում Վ. Տատրյանը վերստին ընդգծում է, որ Իթքիհատը ոչ միայն քաղաքական կուսակցություն, այլև դավադրական գաղտնի կազմակերպություն էր, և միայն այդպիսի կուսակցությունը կարող էր կազմել արյունադրու ոճրագործներից քաղկացած ջարդարար ռեմակներ և ավարտին հասցնել ցեղասպանությունը: Իսկ կառավարական գործեր թուր մարմիններն ու իշխանությունները, փաստորեն, լծված էին իթքիհատի կուսակցական ոճրապարտ ծրագրերն իրագործելուն: «Հայկական ցեղասպանությունը ցայտուն արտահայտությունն է միահեծան և բռնակալ կուսակցության մը այն ոճրապարտ նպատակադրության, - ամփոփում է իր խոսքը հեղինակը, - որով ազգ մը կործանեցավ շնորհիվ Իթքիհատ կուսակցության դավադրական միաժողովման Օսմանյան պետության հետ»:²⁴

Հայոց ցեղասպանության վերաբերյալ նորագույն ուսումնասիրությունների շարքում առանձնակի կարևորություն ունի «հայ-ավստրիական պատմաբան» (այդպես է նրան որակել Վիեննայի համալսարանի մոդ պատմության ինստիտուտի ռեկտոր Վոլֆդիթեր Բիելը) *Արտեմ Օհանջանյանի* աշխատությունը, որը հրատարակել ՀՀ ԳԱԱ Հայոց ցեղասպանության քանգարան-ինստիտուտը:²⁵

Ինչպես գրքի առաջաբանում նշում է Վիեննայի համալսարանի պրոֆեսոր Վ. Բիելը, Ա. Օհանջանյանը հենվել է հիմնականում Ավստրո-Հունգարիայի գործիչների զեկուցագրերի վրա, որոնք, իբրև փաստաթղթեր, ճշմարտացի և խոսում վկայություններ են: Իբրև գրքի արժանիք նշվում է նաև, որ ազգությամբ հայ հեղինակը զարմանալի անաչառություն է հանդես բերել:

Հայոց ցեղասպանությանը մվիրված շարադրանքում Ա. Օհանջանյանը լայնորեն օգտագործել է Թուրքիայում Ավստրո-Հունգարիայի դեսպան՝ մարկիզ Յոհան ֆոն Պալավիչինի, դեսպան խորհրդական կոմս Կարլ ֆոն Թրաուքմանսդորֆի, Ադրիանապոլսի հյուպատոսներ Մաքս Հերցֆելդի, Արթուր Նադամլենցկու, Հալեայի հյուպատոս Ալոիս Դանդինի, Տրապիզոնի հյուպատոսներ՝ ֆոն Մորիցի, Էրնեստ Կվյատկովսկու, ռազմական կցորդներ բարոն Վադիմիր Գիլլի, Յոզեֆ Պոմիանկովսկու, արագործմախարարներ կոմս Բերթելդի, կոմս Բուրյանի, կոմս Զերնինի և այլոց զեկուցագրերը, նրանց հղած ու ստացած հեռագրերը, նամակները, լրտեսագրերը, հուշերը և այլ փաստաթղթեր, որոնք հիմնականում շրջանառության մեջ են դրվում առաջին անգամ:

Որոշակի հետաքրքրություն է ներկայացնում Ա. Օհանջանյանի «Պատասխանատուները» րաժինը: Այստեղ նշվում է, որ երիտթուրքերի քաղաքագետները րազմիցս նշել են, որ կոտորածների շարժիչ ուժն էնվերն ու Թալեաթն էին: Հեղինակը վկայակոչում է պատմաբան Վոլֆդիտեր Բիելի կարծիքը, ըստ որի գլխավոր շարժիչ ուժն, անշուշտ, Թալեաթն էր, մա էր վալիներին ցուցումներ ուղարկում, սակայն բռնագաղթի մասին որոշումը, այնուհանդերձ, ընդունել է ամբողջ կաքինետը:

Ա. Օհանջանյանը վկայակոչում է Պալավիչիմիի, Նադամլենցկու, Թրաուքմանդորֆի և այլոց մի շարք փաստաթղթեր, որոնք ապացուցում են, որ հայերի հալածանքների հրամանները տվել է թուրքական կառավարությունը:²⁶ Այդ փաստաթղթերը մերկացնում են մահ թուրքական կառավարության՝ մեղքը ուրիշի վրա քարդելու ձախդակ փորձերը:

Հայոց Մեծ եղեռնի պատմության վերաբերյալ սփյուռքահայ ստվար ու քաղմարտական պատմահուշագրական, փաստավավերագրական, տեղեկատու, վիճակագրական և այլ բնույթի գրականության մատակարարած նյութը կարևոր աղբյուր է հայրենական պատմաբանների համար՝ հայ ժողովրդի մեծագույն ողբերգության պատմությունը գիտական մոր աշխատություններով հարստացնելու ճանապարհին:

ԾԱՆՈԹԱԳՐՈՒԹՅՈՒՆՆԵՐ

- ¹ Հուշամատեն Մեծ եղեռնի (1915-1965), Բեյրութ, 1965:
- ² Նշվ. աշխ., էջ 11-72:
- ³ Նշվ. աշխ., էջ 72-154:
- ⁴ Ղազարեան Հայկազն. Ցեղասպան թուրքը, տպարան Համազգային, Բեյրութ, 1968, 424 էջ:
- ⁵ Նշվ. աշխ., էջ 421:
- ⁶ Հերոսապատմ Մեծ եղեռնի, Պեյրութ, 1978:
- ⁷ Նշվ. աշխ., էջ 27:
- ⁸ Նշվ. աշխ., էջ 166:
- ⁹ Նշվ. աշխ., էջ 196:
- ¹⁰ Նշվ. աշխ., էջ 258:
- ¹¹ Նշվ. աշխ., էջ 268:
- ¹² Նշվ. աշխ., էջ 318:
- ¹³ Նշվ. աշխ., էջ 397:
- ¹⁴ Նշվ. աշխ., էջ 397
- ¹⁵ Ահարոնյան Գ. Խոհեր հիսնամյակի ավարտին (1915-1965), Պեյրութ, 1966:
- ¹⁶ Տարոնցի Ա. Պատասխանատուները Տարոնի եղեռնին, Պեյրութ, 1966:
- ¹⁷ Մյուրմենյան Գ. Տաճկահայ զինվոր և զինվորականություն, Պեյրութ, 1967:
- ¹⁸ Չոբիսյան Լ. Համապատկեր արևմտահայոց մեկ դարու պատմության: Հ. Գ. (1908-1922), Պեյրութ, 1975:
- ¹⁹ Ազատյան Լ. Հայ որբերը Մեծ եղեռնի, Լոս-Անջելես, 1995:
- ²⁰ Պրոֆ. Տարոնյան Վահագն. Հայկական ցեղասպանությունը խորհրդարանային և պատմագիտության քննարկումներով, Պայքար, 1995 (ԱՄՆ):
- ²¹ Նշվ. աշխ., էջ 7:
- ²² Նշվ. աշխ., էջ 107:
- ²³ Նշվ. աշխ., էջ 118:
- ²⁴ Նշվ. աշխ., էջ 133:
- ²⁵ Օհանջանյան Արտեմ. 1915 թվական. Ամենքերի վկայություններ (Ավստրիական վավերագրերը Հայոց ցեղասպանության մասին), Երևան, 1997:
- ²⁶ Նշվ. աշխ., էջ 116-119:

Резюме

Освещение истории Геноцида армян
в современной историографии армянской диаспоры.

Мгер Карапетян

В статье подвергнуты историко-критическому анализу опубликованные после 1965 года ряд мемуаров, сводников и монографий, которые проливают свет на историю Геноцида и самооборону армян.

Рассмотрены издание "Памятная книга Большой резни. Бейрут, 1965", содержащее статьи зарубежных армянских авторов А. Андреасяна, Ст. Шахбазы, Л. Чормисяна, Грекера (Григор Керкерыан) посвященные разным проблемам истории Геноцида армян, сводник "Героическая самооборона армян в период Большой резни. Бейрут, 1978", в которой нашли место исследования Н. Перперяна, С. Махсеречяна, Шагандукта, Н. Чалхушяна, Э. Дервишяна, посвященные героическим сражениям Вана, Шапин-Гарахисара, Муша-Сасуна, горы Муса, Урфы.

Более подробно проанализированы труды зарубежных армянских историков Айкази Казаряна, Ваагна Татряна и Артема Оганджяна, в которых на основе богатых материалов представлены самые разные аспекты истории Геноцида армян, в частности, вопросы о непосредственных организаторах и ответственных за злодеяния, о дебатах вопроса Геноцида армян в Османском парламенте, дана оценка соответствующих Австро-Венгерских и иных документов.

Фактический материал, который преподносит нам современная историография армянской диаспоры, рассматривается как важный источник для дальнейшего исследования истории Геноцида армян.

Summary

Lighting of the History of Genocide of the Armenians
in Modern Historiography of Armenian Diaspora.

Mher Karapetyan

A number of memoirs, digests and monographies, which spill a new light on the history of Genocide and self-defense of the armenians are subjected to historically-critical analysis published after 1965 in this article.

The following issue are considered in "The Memorable book of Major Carnage. Beirut, 1965", containing the articles of the foreign Armenian writers A. Andreasyan, St. Shakhbaza, L. Chormisyan, Greker (Grigor Kerkeryan), the digest "Heroic Self-Defense of the Armenians during Major Carnage. Beirut, 1978" of the histories, dedicated miscellaneous problems of Genocide of the Armenians, in which were indicated the studys of N. Perperyan, S. Makhserchyan, Shaghandukht, N. Chalkhoushyan, E. Dervishyan dedicated to heroic battles of Van, Shapin-Garahisar, Mousha-Sasouna, mountains Mousa, Urfa.

The works of the foreign Armenian historians Haykazz Kazaryan, Vahagn Tatryan and Artem Ohandjanyan are in more detail parsed, in which on the basis of rich materials the most miscellaneous aspects of the history of Genocide of the Armenians are presented, and in particular, problems on the direct organizers and accountable for crimes, about debate of a problem of Genocide of the Armenians in Osmanian Parliament, the estimation of the applicable Austro-Hungarian documents and other are given.

The main fully completed facts, which are presented to us by modern historiography of Armenian Diaspora are considered as the relevant source for further study of the history of Genocide of the Armenians.